

KEDOTAMAN KIDJI AJOTINEAKOPIOTISOAN



KA NIKANITC KASHKA EADJI OGIMAKANIWANIG KOPEK AKI KIWIDAMAKOWA KIDINENDAKOSIWINIWA.

KIWI AJODINEAKOPIODISOM KONI KIWI ADJI OGIMAKEM NA?

Wi ajotineakopiodisoan, panima kiga masinasonan ashitc kiga kicponepian oowe apitc adji oKimakaniwag:

- kidji 18 tasopiponesian iji icpimig;
- kanata kidji ijtipenidakosian;
- nikotwasokisis inikig etanisian kopeg aki.

KI WISOWIN NA NAKWAN KAJI ADJI OKIMAKANIWAG?

Kika kinda kakwete kapidjinijamagoan masinaigan kimigiwamiwag epidji masinasoan.

ADI KETODAG AWIAG KIDJI ADOTC OWISON EADJI OKIMAKANIWAG?

Kata ija ojipiikewikiwamiwag kajji atekin wisonan enda kakwetetc kidji ojipiwaniwag koni kidji minopidjikate kiwison. Kidjinawemagan koni kiwidikemagan kegwan kawidji tajikematc kataki kakwete kin odji.

Panima nijin atwadawinag kiga ijiwinag emasinawon iima enda kakwetean kidji masinasowan, kicpin eka aiawatc kawin kaka otapinikatesinon kiwison.

1 Nitam aawe kitatwadiwin

Nidam kiwison kata masinate ashitc anapitc kanitawikian.

Tapishkoc oowe ke ijinakwag: Kisikataso masinaigan, kitakosi atwadiwin, atwadiwin kanata eiji tipenidakosian (passeport ijinikate).

2 Nijin aawe kitatwadiwin

Nijin dash panima kata nakwan kiwison enasinateg kimikiwam mikana kajji dajikean.

Tapickoc oowe ke ijinakwag: ki pimpiso masinaigan kopek emasinateg, koni kitanimwepiwapiko masinaigan kekwan kivasakonenitamagan masinaigan.

ADI EJI TAKWAG OJIBIKEWIKIWAM EJI NANADA KOKI KIKENIDJIKATEKIN MASINAIGANAN?

Eiji takwag, anapitc ekijikag etasotipaiganeag ejeteg ojibiikewikiwam enanada koki kikenidjikateg enakwag kapidjinijamakoweg kimikiwamiwakag masinaigan.

KA KOKINDA KIKENIDJIKATEG EOJIBIAMAKOAN

Kikaki kakwete ashitc eojibiamakoan kidji kokinda kikenidjikateg etakwag masinaigan kidji kishponepian. Kika pidjinishamako masinaigan panima kika ojibiotisonan ekakwetean kidjinda koki kikenidjikateg ojibiikanikag.

OOWE DASH KIAPATC KI ADJIKATE

Ickwa kipsisg kidjiki mikiweapan kiwison ewi kakwetean kidji adjikateg kiwison koni kidji minopiikateg ewi adji okimakaniwag? Awinda kakweten kajji takwag ojipiikewikiwam kawi iji adji okimakaniwag. Kika widamako adi kechaian ashitc anapitc keki ijinda kikenidjikateg. Apitc dash iwe odji ijiseg aawe kawi ajotineakopiotisoc win eta kata kinda kakwete.

OOWE KEKON! Ekinda adoan kiwison kajji adji okimakaniwag kawin win kikaki adji okimakesi ii apitc ekijikag, anish inatèg apitc ekijikag kidjinda adji okimakean ka nikanitc eadji okimakaniwag win okanawabatan ati iima ashitc anapitc kenda adji okimakean.

ADI IIMA ASHITC ANAPITC KENTA ADJI OGIMAKEEG?

Kika pidjiniyamakom atwadiwin emikowasomikoek anapitc ashitc adi iima kejjinda ajotineakopiotisoc koni kidjinda adji ogimakeeg. Kika wabatanawa ashitc wisonan awenen kamindisoc kitci okimawitc koni kitci nikanitc kajji tajikeeg pejotc.

KAWIN WIN IWE EKIJIKAG APITC EONINAKANOWATC KITCI OKIMAWIATC KIKAKI ADJI OKIMAKESIM? MANE KEKI DODJIKATEKIPAN ANAPITC KEKINDA AJOTINEAKOBIOTISOAN!

- Apwamashi adji okimakaniwag kikakinda ajotineakobiotisonan. Ntakikenitamog kapidjinichamakoweg masinaigan kimikiwamiwakag kidji kikenidameg ati iima anapitc ekijikag ashitc etasotipaiganeag ejeteg ke kinda ajotineakobiotisoan kidji adji okimakean.

WASAG NA KITA TAJIKEM?

Kimikidjikate eojidjikateg ikiwe wasag nadam katakwakin anishinabewakin.

Midash oowe kedodjikateg eki ojidjikateg:

- oka pidjinijanawa fax eapadjiatc ekakwetewatc kidji minopidjikatekin wisonan mekwatc eijinakwag enanada koki kikedjikatekin;
- kiki ajotineakobiotisoan kidji aji okimakean abwamashi adji okimakaniwag;
- kidji mikiwean kiwison ewi okimawian koni ewi nikanian fax kikaki apadjidone. Bianimweg kishpin wi kikenitameg kitanishinabewakiwa epidji minosekwen kidji ki apadjiatc iwe koni kidjinda kikenitameg iima web kajjinateg mi oowe keijaeg (Modalités pour les régions éloignées).

- Kikakinda ajotineakobiotisonan kanikanitc eaji okimakaniwanig odojipiikewikiwamiwag koni katakwakin ojibiikewikiwaman keki ijinda ajotineakobiotisoan ka inatèg ekijikag kakwedjimig aawe kamikidag e adji okimakaniwanig pejotc katajikean ati eijiateg kiwison kidjinda ajotineakobiotisoan.

- Kishpin wenibig pagan tajikean kajji takwag kiwison mekwatc eadji okimakaniwag kikaki ija kidjinda ajotineakobiotisoan aawe ka mikitag eadji okimakaniwanig apitc ijinakwag kidjinda adji okimakean. Kikaki ajotineakobiwa dash pejik kawinawaniwag kidji nikanitc pejotc kajji tajikean.

- Kidji kikinwamatiwikiwaman Université kajjinateg apitc adji okimakaniwag kata iji takwanon kidji ki ajotineakobiotisonaniwag.

ADI KEDOTAMAN ENDA ADJI OKIMAKEAN?

1 nitam Mikimowinig ojipiikewikiwamiwag kejjinda adji okimakean oka kanawapadanawa epidji takwag kiwison.

2 nijin Ki mikiwe kiwison ashitc kitatotawin kiwapataiwe emasinawon.

3 nisin Kika minig emasinawatc kawi okimawiatc owisoniwa.

4 niwin Kika ija iima kejjinda okimakean koni kejjinda ajotineakobiotisoan kidji oninatc awenen ka onapamatc kidji ogimawitc panima dash kin nijike kidji onamatc kajji wawiepiikateg kidji ajotineakobiaman panima kika apadjidon iwe ojipiikanatig keminikoan.

5 nanan Ickwa okimakean koni ickwa ajotineakobiotisoan kika kokinda apinan wisiniwakaniwag.

6 nikotwadjin Kin tipinawe kikanda pidasikwewepinan mitikowajikag ka onamatc keokimawitc eki ajotineakobiaman pejik wison.

OOWE KEKON wi ajotineakobiotisoan panima kika witisonan Ewabataiwean kimasinaiganan awenen kin midash onowe:

- kitakosi atwatawin kopek eiji tibenidakosian;
- ki pimbiso masinaigan kopek;
- passeport kajjinateg masinaigan kanata eiji tipenidakosian;
- kitanishinabe atwatiwin;
- Force canadiennes atwatiwin.

KOTAG NA KIAPATC KIKAKI TOTAN KIDJI KI AJOTINEAKOBIOTISOAN?

ee takwan kidji ki totaman odji awiakog:

- awiakog wenipig eka katewatc kopek akini;
- awiakog eka ka kashkitoatc kidji ijawatc osa eakosiwatc ashitc kawidji tajikemikodjin kawidokakodjin;
- akosimikiwamiwag katajikewatc kajji kanawenimakaniowatc eka ka kashkidoatc kidji mikimitisatc koni kidji anishinabewikiwamiwag katajikewatc.

Ki kikenimawa na awiakog eiji pimatisiawitc?

Wibatc witamaokog panima wisonan wibatc kimikiwaniwag abwamaji wiaji okimakaniwag.

AWENEN E MIKITAKIG OOMA KOPEK AKI E AJI OKIMAKANIWANIG?

Kanikanitc kacka eadji okimakaniwanig ooma kopek aki win kakina okanawabatan kidji widokakoweg eadji okimakaniwanig.

KEKON NA KIWI KAKWETEM?

- Awinda kikenitan masinate odinateur kajjinateg mi oowe enasinateg: www.electionsquebec.qc.ca.
- Animwepiwabig enasinateg kidjibi animweeg kawin kika kijikasin **1 888 ÉLECTION (1 888 353-2846)**.
- Ojibiamawijinag mi oowe inasinateg: info@electionsquebec.qc.ca.